

7

DISSERTATIO INAUGVRALIS MEDICA
DE
VERA FEBRIVM PVTRIDARVM
NOTIONE

QVAM
ADIVVANTE SVMMO NVMINE
ACADEMIAE FRIDERICO ALEXANDRINAE
RECTORE MAGNIFICENTISSIMO
SERENISSIMO PRINCIPE AC DOMINO
DOMINO
CHRISTIANO FRIDERICO
CAROLO ALEXANDRO
MARGGRAVIO BRANDENBVRGICO BORVSSIAE
SILESIAEQVE DVCE BVRGGRAVIO NORIMBERGENSÍ
VTRIVSQVE PRINCIPATVS REL. REL.

EX DECRETO
GRATIOSAE FACVLTATIS MEDICAE
PRO GRADV DOCTORIS
SVMMISQVE IN MEDICINA HONORIBVS
LEGITIME OBTINENDIS
H. L. Q. C.
DIE XVII IVN. MDCCLXXXVI.
PVBLICO AC PLACIDO ERVDITORVM EXAMINI
SVBIICIT
ANDREAS THEODORVS GEMEINER
RATISBONENSIS.

ERLANGAE
TYPIS KVNSTMANNIANIS.

S. R. I.

LIBERAE ET INCLYTAE REIPUBLICAE

RATISBONENSIS

SENATVI SPLENDIDISSIMO

VIRIS

PERILLVSTRI BV S, MAGNIFICIS, EXCELLENTISSIMIS,

AMPLISSIMIS, CONSVLTISSIMIS, GRAVISSIMIS,

PRVDENTISSIMIS

DOMINIS

CONSVLI

CONSVLARIBVS

ATQVE

SENATORIBVS

PATRIAE PATRIBVS MERITISSIMIS,

FAVTORIBVS ATQVE PATRONIS

SVMMA PIETATE AETERNVM

COLENDIS

FAVSTISSIMVM REGIMEN OMNISQVE GENERIS

BONA PRECATVS

OPVSCVLVM HOC

SVMMA REVERENTIA

OFFERT ET DEDICAT

TANTORVM NOMINVM

CVLTOR PERPETVVS OBSERVANTISSIMVS

ANDREAS THEODORVS GEMEINER


RATISBONENSIS



PROOEMIUM.




tsi quidem merito divinam, quae ex concinna corporis humani fabrica eiusque attenta consideratione elucescit, miramur sapientiam, eandem tamen hanc machinam artificiosissime constructam innumeris obnoxiam esse morbis, tristis nos docet experientia. Sunt quidem, qui fragilitatem corporis humani impugnantes, idque viribus reliquorum animalium corpora superare contendentes, non male tum ad immensam alimentorum varietatem, tum ad maximas climatum differentias provocant, quas solus fere homo illibata ferre potest sanitate; verum, nec ipsa haec laudata firmitas obstat, quo minus longe maior sit morbosarum affectionum, quae homines infestant, numerus, quam quidem earum, quibus animalia passim et affici et interfici videmus. Connascuntur nobiscum morbi et in utero materno nobiscum evolvuntur, fitque persaepe, ut qui natus nondum est, morbo correptus pereat. Sed et




ab incunabulis innumeri nos morbi persequuntur, quorum scilicet seminia vel in ipso corpore nostro nostrisque humoribus nasci, vel aliis in corporibus genita, nobis insciis sese insinuare noxiamque suam exserere qualitatem valent. Quam vario modo, quoque sub velamine, quibus sub mutationibus ac variis formis, Thetidis mutationes numero superantibus, ista cohors destructoria in corpore nostro se prodere, naturam suam celare ac novas induere facies possit, quisque attentus rerum aestimator facile perspiciet.

Ab antiquissimis igitur iam temporibus istos naturae inimicos accuratius observare eorumque internam indolem cognoscere, medicorum erat studium. Observarunt effectus a naturae inimicis productos et philosophico quodam ingenio praediti, ad causam eius concludebant. Sic sensim sensimque longa data opera, multos morbos, licet quidem sat diversi a se invicem viderentur, unius eiusdemque esse naturae, mutata tantummodo veste aut facie externa, cognitum est: ita, ut, postea tota morborum acies in multas quasi centurias divideretur, atque hoc modo, viribus ac armis, cuique centuriae oppositis, inimicus vel in castris quiescens occideretur, vel is vinctus ac illaqueatus ex eis eiiceretur, vel, si id ipsum per vim morbi efficere non liceret, insultus saltem eius vehementiores, quodammodo coercerentur. Natae hinc sunt variae Nosologiae methodicae, morborum scilicet divisiones, in quibus hi in classes suas, ordines, genera ac species distribuuntur, ut sic eo facilius, quibus in momentis varii inter se morbi convenirent, verum etiam magis vel minus inter se differrent, cognosci posset. Acriter sane desudarunt hoc in labore Viri praestantissimi optime




optime sic de scientia medica merentes, exacta signorum descriptione caventes, ne apparens morborum vel similitudo vel dissimilitudo medentem, pessimis cum aegri rebus, ad errorum avia seducat, cum praecipue in cognoscendis huiusmodi provideque diiudicandis morbis cardo fere Philosophiae medicae versetur, morbique non intellecti aut difficilis aut nulla, aut saltem fortuita sit curatio. Cavendum eo magis erit a periculoso huiusmodi errore tironi medico, quo facilior is ipse eiusdem lapsus est, quove difficilior pedem referre licet. Dum enim non nisi multorum morborum observatione attenta, eorumque exacta inter se comparatione, quae sit eorum analogia, quis typus, quis incessus, penitus perspicere et dignoscere licet, vix unquam satis et huic scientiae medicae parti operae Philiatrum impendere posse, semper fere ratus sum. Confert sane multum, ut ad hanc scientiam perveniatur, sedula auctorum lectio, qui plurimos morbos, eorumque signa, symptomata ac decursum distinctissimis verbis describere vivisque satis coloribus depinxere. Verum, si quis in his solum subsistens, satis sibi fecisse arbitratus fuerit, vereor ne a scopo suo, exacte scilicet morbos diiudicandi, vehementer aberret, saltem vix eminens eum attingat. Accedat scilicet, necesse est, attenta circa ipsos aegros observatio, ipsorumque morborum sollicita contemplatio, ut, quae a scriptoribus docti sumus, non solum inprimantur profundius, verum etiam, ut, quae diversis temporibus sit singulorum morborum facies, eo cognoscatur distinctius. Huic praecipue studio operam dare, mea interesse ratus sum, artique salutari incumbens, non praecepta solum Doctorum debita audiavi attentione, pluraque et veterum et recentiorum scripta evolvi, verum etiam



lectulis infirmorum assidens, cuncta haec attenta ruminavi observatione. Cum itaque nunc in eo constitutus sim, ut specimen inaugurale mihi edendum sit, sane non diu, quam potissimum mihi deligerem materiam, dubius ancepsque haesi, verum, circa hanc ipsam in morbis diudicandis observandam cautelam versari, non inconcinnum ratus sum. Verum cum omnes sic morbos percurrere longe pagellarum harum limites excederet, in nonnullis saltem hic considerandis subsistere satius duxi. Sequentibus igitur paginis res mihi erit cum quibusdam non adeo infrequentibus, at generi humano maxime inimicis morbis, perquos, non rite praemissa distinctione, magnus mortalium numerus e vivis eripi potest, cum multa signa cum aliis communia habeant, et tamen morbi ipsi ideoque et methodus curandi, longe inter se differant. Praecipue ergo sequentibus paragraphis pauca de necessaria distinctione febrium sic dictarum putridarum, praecipue epidemicarum ac grassantium afferam, cum quaevis fere epidemia parum interdum malignitatis secum gicens, nomine febris putridae passim designetur, et, si secundum nomen cura quoque susciperetur, hoc modo saepius multi ex scena, nondum finito actu, abire cogerentur.

Iuvenile meum ingenium hancce materiam non plenarie exhaustire posse, facile persuasum habui, cum talis labor et copiosior et diuturnior experientiam requirat, et limites huius libelli nimis circumscripti sint. Neque in pertractanda hacce materia id erat conamen meum, ut eruditum iam orbem magis adhuc erudire vellem, sed ea tantum modo, quae tum ipse vidi ac observavi, tum in perlegendis variis veterum et recentiorum scriptis inveni,


enar-



enarraturus sum. Quodsi ergo vires nostrae admodum tennes impediant, quo minus tractationem nostram pro rei dignitate absolvere et L. B. expectationi satisfacere possimus, boni tamen ut consulat, idque, quod adhuc deest, perspicacitate sua suppleat, semperque probe consideret, magnum esse discrimen inter peritissimi senis producta et tyronum sudores, solidam harum rerum cognitionem demum acquirere studentium, vehementer rogamus.

§. I.

Corporis humani machinam, sua iam natura, variis subiectam esse mutationibus, quisque, vitae nostrae oeconomiam obiter tantummodo contemplatus, facile perspiciet. Primarium nostrum elementum fere tantum tenue fluidum videtur, quod successive magis in mucosam abit substantiam, quae sensim consistentior redditur, dum ossa, cartilaginee et reliquae partes firmae corporis evolvuntur, semperque magis solidescunt, donec vel mors scalam frangat, vel haec substantia olim fluida in partes siccissimas, fluido fere destitutas mutetur, sicque summum senium rigiditatem senilem, seu marasimum inducat. Sed et tunc demum corpus nostrum maximis mutationibus obnoxium esse pergit, imo maxime notabiles sequuntur; mors nempe et putredo, et nunc tandem corpus ab omnibus quidem morbis liberatum requiescit, et praegressa putrefactione in partes suas diffatur. Et felix ille, qui hoc modo vitam degit, ut hanc metam attingat, hacque placida morte obeat. Plurimorum alia fors, aetate iuvenili iam senescunt, omni tempore decrescunt, in aetate virili iam de infirmitatibus senilibus conqueruntur, dum ipsi, cito



viventes, omnia vitae stadia accelerant. Dum sibi sic prae-maturam post mortem mutationem contrahunt, quaeri posset, num non et ipsa ante mortem putredo accelerari posset. Si de vera putredine quis intelligat, dubia res videtur 1). Verum cum corpus nostrum ad putredinem primum iam ob mixtionem, variis corruptionibus expositum sit, etiam huius corruptionis signa iam in vivis interdum apparere, nemo mirabitur. Tristem huncce corporis nostri statum paulo latius considerabimus; antequam autem ad ipsam huius rei explicationem accedamus, pauca de putredinis notatione in genere praemittere, non incongruum erit, ex quibus ad humanum corpus applicatis, omnis rerum ac effectuum connexio eo facilius patefiet.

§. 2.

Definitionem putredinis in genere nunc traditurus, non exiguis me implicitum video difficultatibus, cum a variis autoribus variae prolatae sint explicationes. In primis hic chemicorum opiniones in censum veniunt, Clariss. BOERHAVE de putredine dicit: 2) esse eam motum intestinum, qui pro effectu dat olea putrida, foetidosque alcalinos sales: IVNKER 3) putrefactionem a fermentatione essentialiter haud differre, majorem vero ac intimiorem motus resolventis et combinantis gradum involvere, censet, quo principia mobilia se mutuo conterunt, cœeunt, salisque volatilis forma sensim, relicta terrea portione, avolant. WALLERTVS 4) cum plurimis neotericorum putredinem pro specie fermentationis

1) Gerard van SWIETEN
Comm. in BOERH. aphor. de
cognos. et cur. morb. Lugd. Ba-
tav. 1749. T. II. pag. 419. 420.
LVDWIG, instit. med. clin. §. 241.

2) BOERHAVE Elem. Chem.
T. II. p. 67.

3) Conspectus Chem. T. II.
p. 472.

4) Elem. Chym. phys. P. I.
pag. 385.




tationis habuit, quae in corporibus mortuis, praesertim succulentis et aquosis, mediantibus calore et aëre excitatur, unde principia eorundem constitutiva mobilia in eam transponuntur connexionem, qua odor producitur foetidus, deinde vero sensim plane separantur, relicta portiuncula terrestri, immobili. Fermentationem eousque progressam, ut elementa non tam in alias compositiones ordinentur, quam potius a se mutuo ita divellantur, ut aqua et principium inflammabile in auras abeant, remanente de corpore destructo, praeter terram, nihil, *Putrefactionem* vocat Ill. SPIELMANNVS 5). Plures hic de putredine, et fermentatione autores allegare, superfluum mihi visum est, cum in genere omnes istae definitiones ac descriptiones in eo conveniunt, quod corpora tum vegetabilia tum animalia putrescunt, si convertuntur, motu intestino et accedente calore externo, in liquamen foetens, quod salem volatilem et oleum rancidum, igne admoto, praebet: Vnicam tantummodo putrefactionis definitionem ex *Blancardi Lex. med.* ed. noviss. allegamus, in qua solummodo consistere volumus, quae sic se habet: Putrefactio est corporis animalis vel vegetabilis per motum intestinum, in calore humido, substantiam ipsius corrumpente eiusque penetralia referante, dissolutio. Effectus huius dissolutionis est avolatio particularum salinarum volatilium, oleosarum acrium, foetidarum, aquosarum, corruptarum, ex quibus coniunctis odor iste putridus alcalinus cadaverosus oritur: in iis saltem corporibus observatur putredo, quae oleosae indolis sunt 6), cum alcali volatile simplex putredinem avertere potest, ut ex experimentis a Pringlio institutis patet. Attentionem tamen meretur etiam distinctio, quam BECCHERVS 7) affert, dum animalibus tantum putrefactionem *propriam* facit, vegetabilibus

5) Instit. Chem. p. 347.

7) Physica subterranea, pag.

6) GAVB. instit. pathol. med. 266.



libus vero, quippe quae ante putrefactionem plerumque *fermentant*, *impropriam* seu potius *corruptionem* aliquam putrefactioni tamen analogam.

§. 3.

Praemissa hacce generali putrefactionis contemplatione facilius erit res, eam putrefactionis theoriam in humanum corpus applicare et effectus inde pendentes ex causis suis determinare. Corpus nostrum, ut omnia animalia, ad putredinem dispositum esse, ex sua iam sequitur mixtione ac substantia: Corpora animalia prae aliis magnam copiam eiusmodi particularum continent, quae in alcalescentiam vergunt. Partes oleosae, pingues, magna quoque quantitate in iis adsunt, quas calor internus, aër humidus externus, eo magis fovet et alterat. Sed cum ex varia mixtione harum particularum, earumque diacrisi ac syncrisi et motu intestino putredo oriatur, (§. 2.) non satis mirari possumus substantiam huius ad corruptionem tam proclivis machinae, quae tamen a morte adeo brevi tempore in putredinem abit, omnibus hisce putredinem promoventibus rebus circumdatam ac iis expositam, per tantam interdum annorum seriem incorruptam manere. Cum perpetuo ac quotidie mixtio humorum talibus putredinem promoventibus rebus alterari debere videatur, dum omnia nostra alimenta, tum ex animali, tum ex vegetabili regno desumpta in putredinem aut saltem quandam corruptionem proclivia sint, merito summa creatoris adoranda est sapientia, qui substantias tam facile se invicem inquinantes ac corrumpentes adeo concinne in machina humana composuit, ut nullum inde huic mechanismo inducatur damnum. Quamquam autem et summus in construendis ac miscendis corporis animalis ingredientibus observatus sit ordo ac proportio, non tamen deficiunt variae tum internae, tum externae causae, quae viribus huius tam egregie structae machinae resistunt

casque



earque tandem superant. Non mirum igitur, si et corpus variis iniuriis affectum et hanc putridam corruptionem experiatur. Multifarius autem est huius corruptionis modus ac causa. Cum sola vis ac potentia vitalis motusque fluidorum inde pendens progressivus motum eorum intestinum impediat, nosque sic ab huiusmodi corruptione praeservet eamque avertat, facile patet, motu hoc vitali intotum cessante, necessario motum intestinum seu veram putredinem supervenire debere. In ipsa substantia corporis ac fluidorum et Natura humana haec fundata, communisque tandem omnium mortalium, soluto naturae tributo, fors est; hinc non male eam *naturalem* me vocare posse *putredinem* mihi videor.

§. 4.

Longe aliter autem res se habet cum praeternaturali corporis adhuc vivi corruptione putredinosa, quae interdum oculis nostris se offert; quae, quamquam multa cum naturali putredine communia habeat, tamen non summum eius gradum attingit. Et nunc variae istae corporis nostri contemplandae sunt affectiones putredinosae, quae, durante adhuc et agente vi vitali, interdum variis de causis in corpore nostro oboriuntur ac conspiciuntur, et vario modo in substantia eius se exserunt. Indoles autem ista putredinosa vel in fluidis, vel in solidis, vel in ambobus simul haeret: porro vel omnes partes occupat, vel quasdam tantum, et sic vel ut universalis morbus, vel ut particularis considerari potest: porro morbum ipsum constituit, vel tantummodo symptoma est. Ad partialem morbum pertinet gangraena et summus eius gradus sphacelus; huc quoque referenda sunt ulcera putrida, etc. Ex tali putredine partiali universam humorum corruptionem facile ortum capere posse, ex circulo humorum patet, dum scilicet particulae putridae, ex officina quasi sua et ipsa sede resorptae, in sanas corporis partes deferuntur, et sic totam humorum

B.

massam



massam corrumpere et laudabilem eorum mixtionem destruere possunt. Symptomata a putredine provenientia pluribus morbis communia esse possunt, sic e. g. diarrhoea putrida, spumescens, urina foetens, putris, spumans, sudores putridi, male olentes etc. corruptionem huiusmodi humorum plerumque denotant, de quibus prolixius agere hic ob necessariam libelli angustiam non convenit. Sufficiet hic pauca modo de universali corporis nostri fluidorum corruptione, quam medici putridam nominant, enumerare, e quibus et reliqui putridae indolis morbi quodammodo declarari ac cognosci queunt. Facile cuique patebit, in universali humorum corruptione solida non posse non quoque esse affecta: ideoque hic morbus universalis ut morbus et solidorum et fluidorum considerari potest, licet fluida praecipuam corruptionis causam contineant. Missa vero nunc corruptione solidorum universali, mihi hic praecipue agendum erit de universali humorum corruptione putrida a variis causis ac vario modo orta.

§. 5.

Omnem statum putredinosum corporis tum universalem tum particularem cum acrimonia quadam, praecipue ab evolutione particularum salinarum per motum intestinum oriunda, coniunctum esse, ex praemissis patet; fieri itaque non potest, quin fibrae musculares natura sua irritabiles, per contactum huiusmodi particularum acrium ad contractionem irriterentur. Quodsi iam haec ad partem maxime musculosam hincque irritabilem corporis nostri, scilicet ad ipsum cor applicentur, facile perspicitur, quomodo huiusmodi acrimoniae in sanguine contentae et eo delatae, hasce fibras ad velociorem contractionem irritare, sicque febrem producere possint, ut adeo, ab ipso sanguine resoluta variasque acrimonias continente, febrem oriri posse, mirandum non sit. Si particularis sit putredo, per circulum sanguinis particulae
acres



acres resorbentur, totique humorum massae admiscuntur et sic febrem, ceu morbum *universalem* excitant, ut ex gangraena patet etc. ex quibus, ut §. praeced. iam dixi, universalis humorum corruptio nasci potest. Quisque facile perspiciet, me hoc loco tantummodo de febre, tanquam putredinis effectu, locutum esse, eamque potissimum febrem intelligere, quam Iod. Lommius 8) *continentem putridam* nominat et cui causam *putrefactum sanguinem* dedisse dicit: Verum febris ipsa interdum putredinem producere valet, dum per nimium humorum circulum ac arietationem particularum et attritum vasorum, fluida corporis nostri adeo resolvuntur, salia et olea evolvuntur et exaltantur, ut verus resolutorius status in humoribus appareat, ac universalem eorum corruptionem producere queat, quam etiam humores foetidi ex corporibus aegrorum excreti testantur. Sic validas febres inflammatorias tandem etiam non raro in putridas abire experientia testatur: Verum de hisce hic mihi non sermo: cum ista humorum putredo, morbus alii demum superveniens seu deuteropathicus sit. De universali igitur humorum corruptione putridae indolis coniuncta cum febre hic tantummodo res nobis erit, seu de febre putrida proprie sic dicta seu protopathica, quam et multi autores cum **SENNERTO** synocham putridam vocant.


§. 6.

Ista humorum corruptio, prout varias agnoscit causas variis quoque nominibus ab autoribus insignitur. Sic e. g. si fomes putridus in primis haereat vis, et ibi vel bilis corrupta, putrida, vel pituita accumulata sit, tales febres nomine febr. putridae biliosae, vel febr. putr. pituitosae, gastricae putridae, mesentericae, intestinalis, iuxta *Baglivium*, *Hoffmannum*, *Heisterum* plurimosque scriptores denotantur,

B 2

cuius

8) Iod. Lommius Observ. medicin. p. 3.



cuius generis plurimae febres putridae observatae sunt 9). Causa putredinis quoque interdum in sanguine ipso generari, evolvi atque latere potest, absque notabili contentorum in intestinis corruptione. Hae iure febres putridae sanguineae nominantur 10), et a variis autoribus varie denominantur, e g. synochus putris, febr. putrida, febr. nosodochiorum, carcerum, continens putrida, typhus, contagiosa, febr. depuratoria 11), febr. maligna proprie sic dicta a quibusdam nominantur 12) etc.

§. 7.

Variis hisce nominibus designatus morbus noster distinguitur, ut alii, ratione originis in epidemicum et sporadicum, prout nempe causae praedisponentes et occasionales vel universales vel particulares comprehenduntur. Sporadicus non ex communi quadam causa, sed ex unius cuiusvis hominis propria praedispositione ac proprio vitio et errore commissio omni tempore et loco oritur, et iterum vel simplex est, vel complicatus: ob variorum scilicet individuorum dispositionem et ob plures morbosas causas simul in corpus agentes et sic morbi indolem mutantes, aut varia alia minus solita symptomata producentes. Epidemicus vero ex communi quidem ac noxia quadam universali causa profluit, et non, nisi ad tempus se exserit atque tunc multos simul invadit mortales. Et hic morbus epidemicus vel simplex

9) VOGELS S. G. Handbuch der practischen Arzneiwissenschaft etc. Stendal. 1785. T. I. pag. 366.

10) VOGEL I. c.

11) SYDENHAMI opera med. T. I. p. 198. confer. LIEU-

TAUD Inbegrif der medicinischen Praxis T. I. p. m. 59.

12) RICHTER Bemerkungen über die Entstehung und Behandlung verschiedener Arten von Fieber. Halle 1785. C. 6. p. 99.

VOGEL I. c. SELLE med. clin. p. 22.



simplex est, quod rarius occurrit, vel complicatus plerumque, ob plures simul concurrentes varias causas, et pro varia individuali, ut ita dicam receptivitate seu praedispotione cuiusvis corporis, ubi utique indoles pessima et contagiosa huius morbi simul considerata est. Cum autem de notione febrium putridarum epidemice grassantium hic tantummodo agamus, et harum naturam, causas, signa ac symptomata paulo fusius pertractabimus, subiunctis tantummodo paucis de febre putrida sporadica: antequam vero ad ipsam harum febrium notionem accedamus, pauca de febribus epidemicis ac grassantibus in genere et per se consideratis praemittamus.

§. 8.

Morbi epidemici ac grassantes, quamquam plerumque pro synonymis habentur et a pluribus superficiale tantummodo rerum notionem ac distinctionem amantibus, plerumque confunduntur, tamen omnibus rite et exacte consideratis, notabile inter morbum epidemicum ac grassantem discrimen, me, ut statim probare connabor, reperire mihi videor. Sporadicum morbum non ex communi quadam causa, sed ex unius cuiusvis hominis proprio vitio et errore commisso oriri, antea diximus. Plures autem in uno eodemque loco ac terra vitam degentes homines et plures aequales errores uno eodemque tempore pro varia data occasione committere posse, quis dubitat? Hoc modo plures in uno eodemque loco et civitate ortum capere possunt morbi unius generis absque causa communi et ideo quoque morbo tali nomen morbi *epidemici* mihi non bene competere videtur, verum cum tamen multa individua simul invadat, nomen *grassantis* morbi ei commodius imponitur. Si in regione vel civitate quadam, post tempus quoddam, delectationibus, choreis nocturnis et commensationibus consecratum, plures homines luxuriosi simul morbis inde oriundis

B 3

corri.



corripiuntur; communis ac consueta Bacchantium fors! tales morbosae affectiones nullo modo pro morbo epidemico habendae sunt, cum non ex communi externa causa morbus eos invaserit, sed ex commissis unius cuiusvis subiecti proprio vitio, hinc talis morbus, quamquam frequens, sporadicus tamen, sed grassans nominandus est: febr. grassantem hoc modo sporadicis multiplicatis annumerandam esse, quisque intelliget. Fatendum tamen erit, posse et debere quasi adesse causam quandam communem, morborum grassantium, verum, cui aegri incauti se ipsos sua culpa exponunt, quamve facile evitare potuissent. Sic si perfidus homo pluribus in una civitate oenopolis vinum lithargyrio infectum venderet, pluresque cives atrocibus intestinorum morbis corriperentur, aut si hiems aspera strata viarum densa glacie obduceret, frequentesque inde essent ossium fracturae, nollem tunc aut forte tantum latissimo sensu, colicas siccas, aut ossium fracturas pro morbis epidemicis habere, cum unius cuiusque sit a vino adulterato, et a lapsu sibi cavere, licet me non fugiat causas communes allegari, cur colica sicca inter Pictones pro morbo endemio habeatur.

§. 9.

Morbus contra ea epidemicus, dicitur communis morbus, a causa communi invehens, qui vario tempore nunc in una, nunc in altera regione et pluribus locis multa individua simul invadit, cuius causa in aëre praecipue, interdum et in victu et alimentis et dispositione corporis latet, quibus in certum statum redactis, semina morbi adolescere posse videntur, et vim exercere in corpus animalis ita dispositi. Sic definitio in BLANCARDI Lex. med. tradita se habet. Quam varia illa et sui saepe plane dissimilis morborum epidemicorum facies sit, ex variis materiam morbosam generandi ac dispergendi causis, nec non ex variis corporum praedispositionibus, cuique terrae fere propriis, patet. Quis
| unquam

unquam omnes varias epidemias enarrare posset, quibus iam immensus hominum numerus sublatuſ est. Ex variis tantummodo aëris vicissitudinibus, quanta iam morborum epidemicorum varietas! Aer frigidus non raro morbos inflammatorios epidemicos gignit. Fortes ac robusti Helvetiae incolae tempore hyemis pleuritidibus, anginis inflammatoriis vehementissimis corripuntur, ut fere merito hiems iis verus inflammationum pater dici posset 13). Aer humidus non raro, ob impeditum transpirationis negotium febres, catarrhales epidemicas producit. Pari modo dysenteria non raro epidemicus fit Antillarum et Helvetiae morbus, si post magnum aestum frigus humidum perspirationem supprimit 14). Quis agmen morborum epidemicorum, variolarum, morbillorum etc. ignorat, furorem tertianae anomalae, malignae, putridae epidemice grassantis etc. et horum iterum inter se connexionem et complicationem. Et haec est ista difficilis, perspicacissimi ac ingeniosissimi medici ingenium interdum fallens diagnosi 15), cuiusvis nempe epidemiae proprium genus ac morbi rectorem cognoscere ac denominare, quibus neglectis variae saepe hoc aevo observantur febrium epidemicarum species, quae nil aliud, quam variorum morborum complicationes uni tantummodo generi subiungendae sunt, ut. cl. RICHTER nuper egregie probavit 16).

Non quidem negari potest, multos morbos epidemicos putridae indolis observari, ast plures sunt, quibus tamen ideo nomen non competit, dum non quaevis epidemia, quaedam tantum signa et symptomata cum febre vera putrida com-

13) ZIMMERMANN von der Erfahrung in der Arzneikunst. p. 441. 444.

14) ZIMMERMANN l. c. p. 439.

15) LIEUTAUD, Ioh. Inbegrif der medic. Prax. T. I. p. m.

63. THOM SYDENHAM de febre stationaria opuscul. Univer. sect. I. C. II.

16) RICHTER l. c. in der Vorrede pag. 4. Einleitung pag. 67.



communia habens, ideo statim putrida appellanda et hoc modo tractanda sit. Hic inprimis distinguenda est putredo, morbo cuidam demum superveniens, ac in ipso morbi decursu emergens.

§. 10.

Postquam sic notionem meam morbi epidemici in genere protuli, mentemque meam variis adlatis exemplis illustravi, iam ad verae putridae indolis epidemiae accuratorem contemplationem me accingo. Quod, ut eo melius fieri possit, prius causas, signa ac symptomata huius morbi praemittenda sunt, quo facto morbi ipsius facilius erit notio ac distinctio. Ad causas quod attinet, hic inprimis occasionales in censem veniunt, cum praedispositio modo maior, modo minor, in omni animali corpore praesens sit (§. 3.). Proxima autem causa ipsa humorum ad resolutionem putridam inclinatio esse videtur 17). Inprimis ergo hic occasionalium causarum attenta consideratio necessaria est, quas scilicet, prout ipse morbus communis et universalis est, communes quoque et universales esse oportet.

§. 11.

Nec difficile erit perspectu, corporum externorum, ubique nos cingentium depravatam indolem universales quoque producere posse corruptiones ac destructiones: Et vero nulla est materia, quae magis et propius cum substantia corporis nostri in contactum venit, quam aer, quippe qui non solum externam corporis nostri tangat superficiem, sed quoque in ipsam fluidorum ac solidorum materiam penetret 18). Quam variis modis autem istud vitae nostrae pabulum alterari ac vitari possit, indicare, uti et morborum variorum, qui a specificis aëris alternationibus oriuntur, species tradere, impossibile esset: Sufficiat hic quasdam tantummodo indicare

17) SELLE l. c. pag. 23.

18) GAVRIUS l. c. p. 422.

indicare aëris mutationes, corpori humano damnum inferentes et putredinem in eo promoventes ac foventes. Huc pertinet imprimis aër humidus, calidus, corruptus, particulis putridis repletus, elasticitate et phlogisto privatus. Aër humidus enervat hominem subito, et tardiori fluidorum circulationi, obstructions promoventi, ansam praebet. Relaxantur solida, secretiones cum difficultate quadam fiunt, perspiratio non solum minuitur, multaeque sic impuritates excernendae retinentur; sed inhalatio et resorptio saepe multo largior est. Fieri itaque non potest, quin viribus ideo suppressis, molestissimus lassitudinis et debilitatis sensus aegros excruciet. Putredinis autem, ut supra dictum, matrix praecipue est aër humidus et calidus. Humiditas, relaxando solida, et perspirationem impediendo, vires quidem prostermit, verum longe id maiori gradu efficit, si simul calor accedat. Pori corporis ab eo aperti humiditas particulas eo facilius infugunt ac resorbent et hoc modo humores acrimoniae, destructioni ac putredini aptiores fiunt. Vix fere modus excogitari aut indicari potest, quo celerius et vehementius humorum putredo vix tandem coërcenda generari potest, si forte venena quaedam animalia et vegetabilia exceperis; ut adeo aër calidus et humidus verum morborum putridorum epidemicorum laboratorium non male dicatur 19). Aër humidus ac calidus tamen non semper est putredinis causa; vario quoque modo aër purissimus ac sanissimus corrumpi ac particulis heterogeneis putrefactis et ad putredinem disponentibus impraegnari potest. Et regni vegetabilis exhalationes ad putredinem vergere haud adeo difficile probari potest, imprimis autem hic regnum animale et quidem iure accusatur. In Hollandia Septentrionali aër per balaenas in littore putrefactas saepius inficitur. Magna minimorum piscium copia in maris Adriatici littore putrescentium, Venetorum aërem quoque vitiat 20). Exhalationes caemeteriorum ac corporum in bellis

19) ZIMMERMANN von der
Erfahr. pag. 446. seqq.

20) VOGEL l. c. pag. 377.



bellis necatorum huc quoque referendae sunt. Sed et corpora corrupta regni vegetabilis aërem adeo vitare possunt, ut putredinis causam constituere valeant. Scio quidem, pluribus videri aërem ex vegetabilibus corruptis educum magis acidae esse indolis, et hoc modo putredini potius resistere, quam eam promovere debere; at tristis experientia hancce opinionem refellit, et exhalationes plantarum putrescentium non minus saepe corruptioni putridae favere docet 21). Huc quoque merito referenda censeo effluvia putrida post inundationes ab aquis stagnantibus 22) aut etiam a paludibus promanantia, praecipue si maior aëris calor aut aestus intensior accedat, particulasque magis evolvat et noxias reddat. Verum difficile esset, omnes illas noxas a depravata aëris qualitate pendentes recensere. Confer. HIPOCRATIS lib. de aëribus, aquis et locis.

§. 12.


Ex demonstrationibus chemicis patet, adesse quoddam acidum in aëre atmosphaerico, sub nomine acidi aërei notum. Omnia acida putredinem aliorum corporum avertere, sicque ei resistere, quotidiana satis docet observatio. Nonne igitur et defectus huius acidi aërei suum quoque in promovenda putredine conferre posset? — Aërem saltem ferenum, nec non acidis arte factis e. g. acetis imbutum, eiusmodi a putridis morbis prostratis aegris magnum ferre auxilium, iam dudum cognitum fuit. Sed copia acidi aëri tam parva hancce hypothesein obscurare paululum videtur, dum ex Cel.

MAR-

21) Initio huius seculi in Collegio Wadham Oxoniis, febris admodum maligna magnum incolarum numerum e vivis eripuit, et, aliis collegiis ab hoc morbo liberis, medicos ad accuratorem huius morbi causae disquisitionem impu-

lit, quae inveniebatur in magna brassicae copia prope Collegium Wadham putrefacta, sublata causa tollebat quoque effectus. Confer. Zimmerm. l. c. p. 489.

22) LANCISIUS de noxiis palud. effluv. L. II. C. 3. p. 138.



MARGRAVII institutis experimentis pateat, ex CCXXV libris aquae nivalis, pauca tantummodo grana acidi cuiusdam ex falis communis et nitri acido perinisti, educta fuisse 23). Vitriolici acidi nil inerat. Quae cum ita sint, vis antiputredinosa aëris, ob acidum in eo haerens, vix locum hic mereri videtur.

§. 13.

Sed aliae adhuc sunt universales epidemiae putridae causae. Alimentis, esculentis et potulentis ad sustentandam vitam nostram necessariis sane carere non possumus. Quodsi itaque haec deficient, aut eorum indoles depravata sit, et humores nostros corrumpi, facile intelligitur, dum particulae acres magis evolvuntur, ipsosque humores diathesi putrida inficiunt, aut eos saltem eo magis ad eam disponunt, deficientibus scilicet particulis blandis diluentibus, noxiis vero eo magis concentratis. Tristis profecto est recordatio morborum putridorum, vix ante tria elapsa lustra, maximum hominum numerum in patria nostra e vivis eripientium, dum ob caritatem annonae cibi laudabiles summo opere deficerent, licet humida tum maxime et diuturna aëris temperies, magnam quoque, ad diram hanc luem, partem contulerit.

Sed et cibi quidam singulares interdum ab universali causa vitiati ac corrupti morbos epidemicos putridos producere valent. Non quidem me latet, esse passim viros cruditos, qui noxiam qualitatem clavorum fecalinarum, de quorum origine varias opiniones eleganter adfert Ill. GLEDITSCHIVS 24) in dubium vocant; tamen unicum adferre exemplum non intempestivum iudico. Seculo XVI. et XVII.


C 2

iam

23) MARGRAVS Chemische
Schriften T. I. pag. 282. 283. conf.
VOGELS Chemie. 1775. pag. 70.

Anmerkung.

24) Hist. Acad. Reg. scient. Berol.
rolin. An. 1756. p. 66. sqq.



iam in Gallia ex clavis secalinis raphaniam ortum suum cepisse scriptum est: Scilicet panis hisce clavis adulteratus singuarem epidemicum fecit morbum, ubi corporis extremitates a pane, hocce veneno infecto atque assumpto nigri erant coloris, secedebant a partibus sanis et sic unum post alterum membrum decidebat 25), manifesto experimento, ex cibo depravato veram epidemiam putridam oriri posse. Descriptio quidem raphaniae, quam dat. Perill. a LINNE 26) magis fere ad morbos spasmodicos hunc morbum pertinere docet, verum de alia epidemia sermo esse videtur, at tamen et in hoc symptomata morbi putridi adfuisse, inficiandum non est.

Quod potum attinet, ex aqua depravata, vermibus ac infectis infecta saepius toti civitati ac regioni damnum illatum fuisse, exempla prostant. Inbuitur inprimis aqua nociva quadam ac putredinem promovente natura, quae ex paludibus apportatur vel quae super terram sordidam, stercoream ac alcalinam fluit, aqua particulis haeterogeneis impregnatur: ex hisce plurium morborum epidemicorum causas derivari posse, affirmat cl. ZIMMERMANNVS 27). Infecta ac vermes saepius pro causa, sed minori iure, haberi, multae adsunt observationes 28).

§. 14.


Quamquam autem omnes istae aëris ac tempestatum mutationes variae multum ad talem epidemicum morbum conferant, tamen solam in iis causam non latere ex eo patet, quod, etiam si omnes saepius supra descriptae aëris mutationes observentur, tamen nulla exinde oriatur epidemia

25) ZIMMERMANN libro citato. pag. 507. sqq.

26) Amoen. acad. Vol. VI. p. 430.

27) l. c. pag. 507.

28) ZIMMERMANN von der Ruhr etc. Zürich 1767. pag. 38. 39.



mia putrida: praeterea satis cognitum est, aequalem aëris et caeli intemperiem non aequales producere morbos, et aequales saepe morbos inaequali caelo in lucem prodire 29). Sed sufficiant haec de externis epidemiae putridae causis universalibus: de internis cuiusvis corporis causis infra, ubi de sporadica putr. febr. paullulum agetur, pauca subiungam. Paucis nunc decursum talis epidemiae cum signis ac symptomatibus enarrabimus, prout a clarissimis auctoribus descripta extant.

§. 15.

Non omne, uno eodemque modo aegros morbum hunc invadere res cuique notissima est. Quidam absque ullis febris prodromis subito corripuntur, in quibusdam autem languor in omnibus actionibus et lassitudo spontanea morbum praenunciat, inprimis ubi complicatio quaedam locum habet, defectus somni reficientis, dolores lumborum, pondus quasi, in artubus tales sentiunt morbi candidati, foetor ex ore, obtusus capitis dolor ac stupor, susurrus aurium, magna ad sudorem proclivitas, calor et aestus vario gradu alternans, nausea et conatus vomendi, vomitus: puls. interdum in subiectis robustioribus in principio magnus, vehemens, durus, celer et frequens, praecipue inaequalis 30): plerumque vero parvus, mollis, debilis deprehenditur 31); magna caeteroquin pulsus varietas hoc in morbo observatur. Praecipue autem cognoscitur ex calore digitum tangentem quasi pungente, 32) quod iam GALENVS 33) pro signo diagnostico habuit. „Nihil enim suave, nihil moderatum, neque ephemeris simile habet, sed quemadmodum optime ante nos medici dixerunt, mordax potius quodammodo est, ut laedat mordeatque tactum, veluti fumus

C 3

„oculos

29) ibid. pag. 35.

30) Jod. LOMMIVS observ. med. l. i. pag. m. 4.

31) VOGEL l. c. p. 368.

32) BOERHAVE aphor. 731.

33) De febr. differ. L. i. c. 9.



„oculos ac nares.“ Dum aegri tangitur manus, calor omni momento quasi augetur; quod verbis minus distincte describi potest, ut Ill. *van SWIETEN* notavit 34): melius hanc caloris diversitatem sentiet is, qui semel talium aegrotorum pulsum tetigit. Dolores capitis prementes, praecipue in basi cranii, deliria circa vesperam, raro furiosa, manus tremulae, quae omnia, quo pulsus debilior, eo vehementiora observantur, maiusque periculum denotant. Subfultus tendinum, sensus interni raro ad morbi finem usque liberi observantur; omnes stupor invadit vel etiam hemiplegia supervenit, aut in aliis carphologia vel flocculorum captatio. Quod oculos attinet, hi, uti in omnibus morbis, praecipuum efficiunt signum. Deprehenditur in iis rubor, tumor, obnubilatio, rigiditas, in nonnullis illacrymatio. Palpebrae versus canthum oculi externum magis pendulae tristem ac turbatum reddunt aegri vultum, facies coloris terrei 35) oculorum, ut variarum corporis partium dolores, qui incautis facile imponere possunt, ut perperam morbum pro febre rheumatica habeant: Sitis inexplebilis cum oris amaro, lingua alba primum, dein nigra arida, calida, rubra, fissa, interdum humida, quod in periculosissimo morbi stadio plenariam humorum denotat resolutionem: dentes stridentes, tenaci sorde obliniti, labia fissa, turgida; iugulum et quae iuxta sunt partes internae et externae aestuant, unde praepedita aegri oratio. Vox debilis, auribus vix percipienda, interdum extinguitur. Sapor oris amarus, ructus nidorosi, putridi, aër expiratus, tota aegri atmosphaera, et omnes excretiones odore gravi et fere cadaveroso imbutae, quae cuncta summum, in quo aeger versatur, periculum indicant; eoque magis, si hypochondria tensa, inflammata et tumida sint, quae cum aliis periculosissimis symptomatibus

34) *van SWIETEN* l. c. T. II. p. 424.

35) *VOGEL*, libro cit. T. I. p. 369.



matibus coniunctis, pro lethali signo habenda 36). Vrina varia, foetida, turbida, crassa, rubra, cruda, sine sedimento, interdum cum sedimento latericio, vel etiam coloris obscuri fere ad nigricantem accedentis etc. Alvus aut omnino obstructa, aut saltem dura, atque rara, deiectiones nigrae, viridescentes, sanguineae, foetidissimae: interdum diarrhoeae frequentissimae morbo finem imponunt: venter nonnullis intumescit, et percussus, ut tympanum sonat 37). Per vomitum et alvum saepius plures lumbrici ac vermes excernuntur 38); sudor matutino tempore, quamvis levissime corpore testato absque levamine prorumpens. Sanguis resolutus, non coagulatur, ob glutinosae partis destructionem, serum rubicundum, in superficie interdum membrana phlogistica haeret variae indolis, sub qua materia pultacea viridescens latet. Odor interdum sanguini putridus. Tum autem ad ultimum vocatum esse cognoscitur. Ob summam humorum depravationem ac resolutionem et solidorum laxitatem sanguis per omnia corporis colatoria penetrat, ita, ut quam frequentissime haemorrhagiae narium vix coercibiles, interdum etiam sudor cruentus, lacrymae cruentae et variae stillae cruentae ceu mortis nuncii apparent.

§. 16.


Non raro post quartum diem exanthemata ac pustulae in cute efflorescunt, quae neque criticae, neque semper et in se spectatae periculosae sunt indolis: huius generis sunt petechiae; purpura alba, aphtae. Variorum horum exanthematum descriptiones, ob paginarum angustiam, locum hic vix

36) ROERHAVE et van SWIETEN l. c. p. 440.

37) LOMMIVS l. c. p. 4. conf. SCHROEDERI histor. febr. bilioso-pituitoso-putridae, quae ab ini-

tio mens. Decembr. 1783 ad finem usque mei sis Aug. 1784. in variis Hassiae regionibus epidemice grassata est: pag. 12. 13. 14.

38) ibid. pag. 13.



vix inveniunt, sufficit igitur ex his maius vel minus determinare periculum. In universum coloris hic habenda est ratio, quo enim obscuriores, eo periculosiores petechiae, lividae igitur et nigrae periculosissimae: interdum copiosissime apparent absque ullo levamine. Sed tam parvae quodammodo et cuti unicolores sunt, ut oculis nostris se subducant: non raro post mortem demum erumpunt. Sedes in universo corpore, praecipue in collo, pectore, dorso, imprimis intra carpum et olecranon: hasce petechias interdum purpura alba comitatur: aphthae fauces saepius occupant; quae, si crustam crassam, nigrescentem formant, periculosae omnino dicendae sunt, cum multa aegro inferant incommoda. Haecce exanthemata, scilicet purpura alba ac aphthae praecipue in febribus bilioso-putridis observantur.


§. 17.

Ex omnium horum signorum ac symptomatum recta contemplatione ac diiudicatione prognosis formanda erit. Duratio et decursus morbi varius et indeterminatus est. Terminatur a die 3 usque ad 20, immo et interdum ad 40 protrahitur. Est scilicet pro differentia cuiusvis Epidemiae, etiam ipsis hisce morbis sua differentia. Dies 9. 11. 14. 20 a plerisque Practicis pro periculosissimis habentur. In hoc vero omnes consentiunt, morbum hunc iam in se nunquam periculo carere, et acutum, imo interdum acutissimum esse, et rapida quadam celeritate progredi et incrementum accipere. Atque haec sunt, quae clariss. ac peritissimi horum morborum de-scriptores LOMMIVS, VAN SWIETEN, VOGEL, RICHTER, LIEUTAUD, LVDWIGIVS V. C. et alii plures de huius morbi signis ac symptomatibus prodidere, quae cum non semper omnia simul oculis nostris tam manifeste se offerant, perspicacis ac philosophici medici eo magis egent ingenio cum ex insufficiente signorum consideratione et collatione, hincque falsa ipsius morbi diiudicatione longe maius ipsi aegro periculum

culum aut damnum immineat. Verum ex enarratis hucusque omnibus huius morbi signis facile simplex febris putrida cognosci ac ab aliis distingui poterit. Ast cum raro absque complicatione cum aliis morbis, inprimis si ipse morbus epidemice grassetur, occurrat, necesse est, ut variorum saepius cum hoc morbo complicatorum morborum signa ac symptomata subiungamus, quo facilius ipse morbus in se spectatus cum symptomatibus suis, a coniunctis morbis eorumque symptomatibus dignoscatur.

§. 18.


Praeprimis hic febris maligna attentenda est, cum qua non raro morbus noster complicatus apparet et quasi morbum quendam intermedium constituere videtur. Differentiam igitur horum morborum ac modum distinguendi a se invicem paucissimis hic addemus verbis: *Termino malignitatis* variam significationem plures scriptores tribuunt eumque non omnes eodem sensu sumunt. Quidam olim sub morbis malignis nil aliud comprehendebant, quam varias febrium exanthemicarum cum periculo coniunctarum species, sic e. g. Purpura maligna, variolae malignae, morbilli maligni allegabantur. Exanthemata pro crisi declarabant: hacce opinione ducti omnem curationis cardinem in eo verti putarunt, ut exanthemata expellerentur, et transpiratio promoveretur: sudorifera igitur calida et sic dicta alexipharmaca porrigebantur, ut, quod necessarium maxime videbatur, venenum de corde depelleretur, subiuncto adhuc regimine calido. Sed tantum aberat, ut hacce methodo aegri sanarentur, ut potius tristissimus saepe eventus sequeretur. Hinc factum est, ut malignitatis notio seu vocabulum et medendi methodus huic opinioni superstructa humano generi longe ipsa Pyrii Pulveris inventionem nocentior a SYDENHAMO



mo dicta sit 39). Alii sub febribus malignis eas comprehendunt, in quibus symptomata periculosa, pertinacia, ac funesta conspiciuntur, quae remediis alias efficacissimis nec cedere volunt, nec mitigari possunt. Alii et quidem plurimi clari viri nostris temporibus febres malignas, ac nervosas pro iisdem declararunt, nec esse inter eas quandam differentiam statuerunt 40). Licet mihi hic, tum ea, quae ex lectione et collatione plurium autorum, tum etiam passim ex ipsa mea observatione attenta cognovi, subiungere, paucissimis meam adiicere sententiam, ut quae mihi esse videatur differentia inter febrem malignam in genere et febrem putridam proprie sic dictam, clarius appareat. Sub febre maligna nempe seu nervosa nil aliud intelligitur, quam febris a summa totius systematis nervorum debilitate pendens, cuius causa in subtilissima morbosa materia latet; etsi determinare non ausim, an ipsa materia nervea noxia hac substantia infecta sit, an vero haec ipsa materia motum saltem naturalem materiae nerveae turbando haec symptomata producat. Invasio morbi absque periculo esse videtur, interdum plane non sentitur: mentitur initio morbum benignum. Signa pathognomonica huius morbi sunt: summa debilitas in omnibus actionibus, pulsus parvus nec nimis frequens, nec nimis tardus, plerumque fere naturalis, semper vero maxime debilis. Nil aegri timent, nil illis gaudium affert, vixque ulla re vel grata vel ingrata afficiuntur: stupor ingenii, leviora interdum deliria. Haec sunt, quibus febris haec maligna a putrida proprie sic dicta, aliquantum mihi differre videtur: in putrida febre resolvitur sanguis et corrumpitur: subito aegros invadit, nisi cum febre maligna seu nervosa coniuncta sit, aut haec illam praecedat: Summa quoque debilitas, sed diversa valde ab ea

39) SYDENHAMI opera T.
I, p. 370.

40) RICHTER l. c. p. 90.
VOGEL l. c. T. I. p. 194.




ea febris nervosae, quae maxime fere se in actionibus animalibus exserit: debilitas cum pulsu celeri, duriusculo; calor digiti tangenti molestus, perpetuo molestior: foetor excretionum, haemorrhagiae: omnia haec vix talia prorsus in nervosa febre conspiciuntur, nisi ambae coniunctae sint. Sed a summa sanguinis corruptione ac resolutione et materiae nerveae et motum et debitam secretionem turbari, necesse est. Quod si igitur quaedam simul ad febrem nervosam praedispositio corporis adsit et febrem nervosam cum putrida coniungi, vel etiam alteram in alteram transire posse, facile est perspectu, id quod experientia quoque docet; nam plerumque febr. putrida complicata est, et quidem cum febre maligna: ex quibus saepius maligna, saepius putrida manifestiora signa ac symptomata exhibet. In hisce morbis complicatis curandis medicamenta cuique morbo per se opposita secundum artem iungenda sunt, ita ut cuique indicationi satisfiat: quod multis saepius difficultatibus subiectum est, et medici acutissimum ingenium exposcit, eoque magis, cum febris malignae curationis methodus aliquantum differat a medela febris putridae. Sed cum propositum meum nunc non sit methodum medendi his febribus exponere, neque ea medicamina in quaque febre adhibenda indicare, relinquimus haecce suo loco et ad aliam transimus complicationem cum febre putrida saepe obviam.

§. 19.

Est scilicet haec ea complicatio, dum ad febrem putridam adhuc biliosa accedit vel cum ea coniuncta est. Non raro in febre putrida fomes morbi in primis viis haeret; ibi bilis corrupta, putrefacta morbum complicatum reddit (§. 6.) idque vel statim a morbi invasione, vel in posterum

D 2

demum




demum emergit. Plures morbi epidemici putridi huius sunt indolis: Signa pathognomonica febr. biliosae sunt: sapor amarus in ore, lingua squalida, sordibus oblinita viridescen-
tibus, aversio a nutrimentis, praecipue ex regno animali, vomituritio, vomitus; oculi albuginea tunica in flavedinem vergens, somnus vel deficiens, vel sopor. Quodsi igitur signa febr. putridae coniuncta apparent cum hisce signis; morbus quoque putridae socius iudicandus est, suamque propriam requirit medendi methodum. Vomitoria repetita, resolventia, incidentia, evacuantia febr. biliosam saepius fatis brevi temporis spatio tollunt aut insigne illico levamen afferunt, quae, si quis cum antiputredinosis medicamentis coniunxerit, apto modo ac iusta ratione, veram cum natura complicationis convenientem adhibet medendi methodum. Huc quoque iure referri posse febr. pituitoso-putrida mihi videtur, cum et sedes in primis quoque viis sit, et eandem fere medendi methodum exigit ac in febre bilioso-putrida adhibetur. Lingua squalida, alba tecta pituita, fauces quoque obsidente, copiosae excretiones pituitosae huncce morbum ab aliis distinguunt et hanc complicationem manifestant. Oritur ab indigestione et cruditatibus viscidis, diaeta inconcinna, aëre humido ac frigido. Satis frequenter harum febrium occurrunt complicationes, in quibus scilicet illa cum febre nervosa coniuncta est, dum a nervorum debilitate quoque organa digestionis imbecilliora reddita, functiones praestare nequeunt. Eandem ob causam et cum febre putrida complicata coniungitur saepius.

§. 20.

Topicas inflammationes saepius febrem putridam comitari, experientia docet. Tales sunt inflammationes meningum, faucium, pectoris, viscerum abdominalium etc.

Causae



Causae huius complicationis variae, in quibus allegandis et explicandis tamen inprimis aetatis, habitus, temperamentum, vitae generis etc. aut etiam methodi medendi ineptae antea adhibitae habeatur ratio. Cognoscitur autem iste morbus focius ex pulsu magis pleno, duro, reliquisque sat notis inflammationis signis. Plerumque larga narium haemorrhagia levamen affert; sed etiam paucam sanguinis e naribus effusionem levamen tulisse, compertum est. Vel statim ab initio coniunctus apparet morbus, quo in casu facilius ex suis signis cognoscitur ac manifestatur; difficilior autem res est, si in ipso febris putridae decursu demum febris inflammatoria accedat. Pulsus tum est parvus, durus, lingua arida, genae rubrae, dolor fixus pro sede inflammationis, reliquaque symptomata cuique inflammationis speciei propria, atque sic perspicacissimi tantum medici ingenio claritatem ac facilitatem in cognoscendo et diiudicando morbo procurant: saepius post mortem demum ipsius diagnoseos certitudo clarius elucescit: Quamvis huius complicationis species saepius observatur, tamen plerumque cum febre biliosa coniuncta est: ideoque in grassante febre epidemica putrida, saepius febr. inflam. bilioso-putrida pro aegrotantium constitutione ac praedispositione accedit.

§. 21.

Sufficiant haec de variis complicationibus febris putridae. Omnes istas complicationes, quarum maxime frequentes solummodo allegamus, iterum inter se vario modo coniungi experientia docet. Huius indolis erat febris in variis Hassiae regionibus ante biennium epidemice grassans a. Cl. SCHROEDERO descripta 42). Erat nempe febr. bilioso-
D 3 pituitoso-

42) Th. Guil. SCHROEDER hist. febr. bilioso pituitoso-putrida etc.



pituitoso putrida. Et quis omnes istas varias complicationes enerarre auderet, quae in epidemico grassante morbo observantur! Multis in morbis complicatis, praecipue, qui in principio fere febres catarrhales aut etiam inflammatoriae esse videntur, putrida febris demum supervenit, et quidem varias ob causas, vermes necati, foeces non excretæ, putrefactæ, mundities neglectæ et inde nata putrida effluvia, epidemico morbo supervenientia, sat amplam praebeant occasionem ad ipsius febris putridae accessionem. Et in hoc cardo philosophiae medicae vertitur, ut probe dignoscatur, quisnam sit morbus primarius, quis demum superveniens, quale morbi stadium, an invasionis, an exacerbationis, an declinationis etc. Male sane res suas ageret Medicus, qui plurimis aegris sanandis studens, omnibus idem praescriberet medicamentum, quamvis omnes uno eodemque laborarent morbo epidemico? Quodsi talem haberet epidemia typum vel tale schema, ut e. g. tempore exacerbationis inflammatoria febris se putridae associaret, quae antea non aderat: in turpem profecto errorem incideret Medicus, si aegro suo invasionis stadio seu tempore praeludii ea porrigeret remedia, quae alteri aegrotanti exacerbationis statu summo cum fructu suadet? Patet igitur ex hisce, medico in curando morbo epidemico vel simplici vel complicato, semper ad stadia seu morbi tempora et ad indolem morbi accedentis maxime respiciendum esse.

§. 22.

Nil amplius restat, quam ut de sporadica febre putrida paucissima tantummodo subiungamus. Quoad signa ac symptomata cum epidemica grassante convenit. Diversae tantummodo causae sunt: Epidemicum morbum a causa quadam communi, universali, imprimis ab aëris vitiata constitu-




stitutione ortum capere (§. 9.) indicavimus. Sporadicam autem febrem putridam ex partiali quodam commisso diaetae errore et ex praedispositione corporis ad talem corruptionem enasci, facile perspicitur. Aër nosodochiorum, carcerum, flagrans, impurus, non renovatus hunc morbum producere valet in uno alterove subiecto tali aëri exposto: Vermes necati, subitanea aëris calidi et frigidi aut frigidi et calidi alterna mutatio, defectus cibi et potus, vel etiam alimenta qualitate sua peccantia, suppressa excrementorum reiectio, pathemata animi validiora, morbi alii praegressi in putredinem vergentes, e. g. caries, gangraena, ulcera sordida, fomites cancrofi huncce morbum in singulis subiectis procreare valent. Omitto plures alias causas, quae utique in subiectis praedispositis febrem putridam sporadicam producere solent.

Pari modo febr. putr. grassans contemplanda est: morbi grassantis notionem in genere dedimus (§. 8.), ex quibus huc relatis facile et notio febr. putr. grassantis patefiet. Causae nempe sistunt plurium individuorum vitia uno eodemque modo commissa: Sic e. g. si plures milites festinanter adeo magna itinera, fervida aestate faciant sicque vehementer corpus exaestuēt, tumque subito in castris quiescentes, refrigerium patiantur, oritur inde in multis subiectis febris quaedam putridae indolis, quae grassans quidem dicenda est, verum quam ideo epidemicam dicere nollem.

§. 23.


Pauca haecce de vera febr. putr. notione sufficient; scio equidem probe, longe plura adhuc tum in allegandis causis, tum in enarrandis signis ac symptomatibus morbi huius adeo frequentis et fontici addi potuisse, quae tamen,



men, tum ob virium mearum tenuitatem, tum, ne pagellarum harum limites excederem, hic omittere necesse erat, eiusque rei veniam a B. L. peto et exspecto.

Quod medendi methodum attinet, nullus huic hic restat locus, cum omnium medicamentorum disquisitio ac medendi rationes sat amplam praeberent materiem, proprium de hacce re conscribendi libellum. Sufficiat saltem nomina consuetissimorum ac usitatissimorum et, si tempestive et debito modo adhibeantur, maxime efficacium remediorum hic allegare: In simplici febre putrida i. e. non complicata cum aliis febribus, salia media, acida vegetabilia, mineralia, cortex peruvianus, alumen in corrigenda fluidorum ac solidorum depravatione palmam obtinent; sic, si saburra in prim. viis observatur vel si suspicio minima tantummodo adsit, vomitoria praecipue in principio adhibita, et evacuantia per alvum saepius cito aegri statum in melius mutant.

Si febris, de qua loquor, putrida cum nervosa coniuncta esset, remedia huic febre contraria cum supra enarratis apto modo iungenda sunt: inprimis hic effectus moschi, camphorae, salium volatilium, serpentar. virgin. contraiervae, vini et aliorum antisepticorum et cardiacorum praestant. In genere autem certum est, longe difficiliorem esse medicamentorum selectum in statu complicato: et inde patet, quam necessarium sit medico, ut, contempletur constitutionem epidemicam, quarum quaevis ab altera differt, ac proprium suum habet quasi rectorem, qui a particulari quadam, ac nondum satis cognita cuiusdam anni constitutione et aliis forte accedentibus causis pendet, et morborum accedentium typum quasi constituit et determinat



nat per totam constitutionem, et qui idem est, cum febre stationaria Sydenhami, de qua variis locis loquitur 43).

§. 24.

Haec est notio quam mihi de vera febre putrida formavi, partim ex ipsis meis, quamvis non adeo numerosis adhuc observationibus, partim autem ex iis, quae praeceptorum meorum, aliorumque clariss. virorum et scriptis et colloquiis vidi, legi et audivi. Num signa haecce omnia et singula, quae ad exactam febris putridae diagnosin requiruntur, tali modo proposuerim, ut res ipsa manifestissime elucescat, aequae Benevoli Lectoris diiudicationi lubens committo. Me cuncta haec sic explicuisse ut desiderari amplius nil quidquam possit, non quidem mihi temere ablandior; id tamen sperare iuvat fore, ut ausus mei iuvenes non prorsus displiceant, laborque meus, in quo praecipue sententiam meam clarorum Virorum testimoniis confirmare conatus sum, non penitus improbetur, in quo solamine tironi in primitiis laborum versanti commode sane puto aequiescendum. Quod si enim, quae diem docet, dies et experientia etiam me plura docuerit, non sic ab ausu, et ea cum Erudito orbe communicandi deterreor.

T A N T V M.

43) SYDENHAMI Opera T. I. In Tractatu de hydrope postl. II. de morb. epidemicis. p. m. scripto. pag. m. 248. et multis aliis locis.



THESES.

I.

Membrana sic dicta phlogistica nullum certum inflammationis signum.

II.

Est quaedam analogia inter febres intermittentes et negotium menstruum, tum ratione causae, tum ratione effectus.

III.

Exanthemata febris scarlatinae, purpurae, tum benignae, tum malignae, pestis et aliarum febrium raro egent auxiliis medici, plerumque nullo. ?!

IV.

Summa debilitas in febribus putridis malignis non est vomitorii contraindicans.

V.

Inter auxilia medici, quoque morbi referendi sunt.

VI.

Qui somno meridiano utuntur, plerumque apoplexia moriuntur.

VII.



VII.

Non omnes aegri sunt sanandi, ast omnes morbi curandi.

VIII.

Non dantur vermes in dentibus cariosis.

IX.

A motu sanguinis in corpore nostro ad vitam hominis non valet consequentia.

X.

Non sunt nati, qui medicis carere valeant.

XI.

Non dantur certa signa partum felicem pronunciantia. Neque ex situ infantis, neque ex bona pelvis conformatione, neque ex tangente digito medicus certus de eo reddi potest: semper in dubio est.

XII.

Vasa cuprea nullum sanitati damnum inferant, nisi acidum quoddam minerale in eo contentum fuerit; magis abstinendum a vasīs stanneis.

XIII.

In praescribendis medicamentorum dosibus non in aetatem aegroti respiciendum est. Sola irritabilitas consideranda est.

XIV.

Quisque homo medicus.
